

B. N. C.  
FIRENZE  
1001  
34



1001. 34





RELATIO  
AD FEL. RECORD.  
— GREGORIVM PP. XV.  
PER PETRVM MARIAM CAMPVM  
CANONICVM PLACENTINVM.

SVPER PROCESSV, ET CAVSA  
Canonizationis, seu Beatificationis

GREGORII PAPAE X.  
PATRIA PLACENTINI.

*Transmissa Ann. 1622. die 10. Martij.*

Quę deinceps ab eodem Pont. Gregorio XV. remissa Sacre  
Congregationi Rituum, examinanda;

A S D. N. VRBANO OCTAVO

Illius successore ad optatissimum finem quam-  
primum perducenda speratur.



PLACENTIAE,

Et iterum Florentia, Apud Zenobium Pignonium. 1624.  
Superiorum Permissu.

Il Signor Neri Iacopi Canonico Fiorentino, riuogga  
per grazia questa scrittura, e referisca: se in essa vi  
sia cosa: contro la santa Fede Cattolica: o contro  
i buoni costumi: sì che non si possa mandare alle  
Stampe. Data il dì 16. di Nouembre 1623.

Orazio Quaratesi Vicario sost. di Firenze.

*Hauendo letto la presente scrittura, e non hauendo in essa  
rouato cosa, che repugni alla Fede Catholica, o alli buoni  
costumi, ma si bene piena di una esemplare deuotione,  
credo poter si stampare. Il dì 22. di Nouembre 1623.*

Neri Iacopi Canonico Fiorentino.

Vista la suddetta Relazione, si concede licenza, che si possa  
stampare la scrittura contenuta in questi fogli, se però così  
piace al R.P. Inquisitore. Data il dì 4. di Dicembre 1623.

Orazio Quaratesi Vicario sost. di Firenze.

*Hoc opusculum Relat. super processu, & causa Canoniz. seu Bea-  
tif. Greg. PP. X. est magna pietate refertum ac Fidei Cathol.  
& bonis moribus consonum dignumq; ut typis mandetur. Quod  
testor 17. Septembris 1623.*

*Ego Frater Philippus Erunettus à Flor. Magister qui  
ipsum perlegi de mandato R.P. Vic. Inquisit. Flor.*

Imprimatur Florentiæ. Die 16. Decembris 1623.

Frater Bartholomeus Vice Inquisit. Florent.

Stampisi il dì 12. Gennaio 1623.

Niccolò dell'Antella.

DE SANCTITATE  
GREGORII PAPAE X.  
IN GENRE.



ELATVRVS, Beatissime Pater, statum causæ, de qua infrà, & ad effectū, de quo in supplicibus litteris S. V. scriptis, dico, ad probandam sanctitatem in genere fel. rec. prædecessoris vestri Gregorij olim Papæ X. patria Placētini; qui anno 1276. dum è Concilio Lugdunensi Romanam rediret, Aretijn in Ætruria sanctissimi

mè obiit, ibique in maiori Ecclesia honorificè cōditus, ad hæc vsq; tēpora multis miraculis fulget; octo proponi posse argumenta.

Primum erit communis Christiani populi opinio de ipsius sanctitate, fideliumq; deuotio erga dictum Dei famulum, & notorius concursus etiam de præsentī ad eius sepulcrum cum inuocatione illius intercessionis, ac successu diuersorum miraculorum: quæ omnia fuerunt per spacium 346. annorum continuata, & patet ex affixione tabellarum votiuarum pro receptis gratijs; ac ex publica charta ibi appensa, quæ nonnulla ex antiquis miraculis continet, descripta etiam, prout *Bzouius refert annal. Eccles. tom. 13. ad an. 1276. num. 1.* in codice MS. Bibliothecæ Vatic. num. 3457. signato, necnon & ex relatione complurium Historicorum tam veterum, quàm recentiorum, quibus multum desertur in hac materia, signanter cano-



nizationis, secundum allegata per DD. Auditores Sacri Palatii deputatos in relatione super processu B. Andreae Corsini quon. Episcopi Fesulani *par. 4. §. 1. versic. primò*, per eundem Bzou. registrata *tom. 14. sub an. 1373. nume. 9.* & maximè cum nullus inter eos adsit nec Placentinus, nec Aretinus, nec cuius intersit fieri canonizationem, ut sunt Ptolomæus Lucensis, Martinus Polonus, Ioannes Columna, Bartolomæus Pisanus, Blondus, Sanctus Antoninus Archiep. Florentin. Platina, Philipp. Bergomensis, Volaterranus, Leander, Marcus Guatius, Ciaconus, & alij, de quibus infra.

Quorum quidem primi, tanquàm illius temporis, quo Gregorius vixit, scriptores, & grauissimi viri, de visu, ac certa scientia loquuntur; & præsertim Ptolomæus, & Martinus, qui ambo floruerunt de an. 1250. fuitq; hic *secundum Zellarmin. de scriptor. Eccles.* Monachus profethone, Archiepiscopus dignitate, ac Pœnitentiarius Innocentij IIII, & obiit circiter an. 1285. ille verò ex Ordine Fratrum Prædicatorum, discipulus primò extitit Sancti Thomæ Aquinatis, mox Episcopus Torcellensis, & Præfectus Bibliothecæ Vaticanæ: qui vsque ad an. 1304. superuiuens in annalibus suis (recenter de anno 1619. impressis) de ipso Gregorio meminit sub anno 1274. scribitq; eum Aretij migrasse ad Dominum ex infirmitate, ac multa ibi eiusdem meritis ostensa fuisse miracula. In quem sensum loquitur, & Blondus, qui anno 1440. floruit, de ipsius Gregorij sanctitate, ac concursu ad eius sepulcrum, & miraculorum continuatione sic dicens: *dec. 2. lib. 8.* Cumq; Aretiu peruenisset Sanctus, & summa dignus veneratione Pontifex, diem ibi obiit; ad cuius celebre etiam nunc sepulcrum sanctitas sua quanta fuerit, miraculis crebrescentibus est ostensum. Quod & confirmat idem Blondus in alio suo libro de regione Lombardia in scrip. ubi de Flacætia, his verbis: *Habuit [Placentia] Gregorium X. Pont. Rom. qui Lugdunense Concilium celebravit; isq; Pontifex celeberrimus post multa*

*multa gloriosè in Ecclesia Dei gesta, Aretij obiit, & sepultus est, ubi sepe miraculis coruscavit: Sanctus quoq; Antoninus Archiep. qui ex hoc sæculo migravit anno D. 1459. ætatis suæ 70. per verba paulò inferius in 2. argum. recensenda, hoc ipsum apertissimè testatur. De cuius fide non est ambigendum, cum æquè sanctus, ac doctus fuerit, & ab omni adulandi specie alienissimus, ut inquit Bellarmin. in tract. de potestate Papa, ubi de sententijs Illustr. Scriptor. nationis Italica; & quia in hoc loquitur tanquam de re sibi notissima tum ex vicinitate locorum, tum ex ipsorum miraculorum celebritate, tum etiam ex mira eiusdem Beati Antonini erga Sanctorum reliquias pietate. De publica autem voce, & fama, quoad antiqua tam circa communem sanctitatis reputationem, quam respectu miraculorum, & concursus testatur Philip. Bergom. in supplem. lib. 13. ad an. 1271. Paul. Aemil. de reb. Francor. lib. 7. Historia Hollandica, Raphael Volater. commentar. urban. lib. 22. Leander in sua Italia, ubi de Placentia, Raph. Tossinianen. histor. Seraph. relig. lib. 1., ubi de Sancto Bonaventura, Cronic. Frat. Minor. p. 2. l. 2. c. 7. Ciaconus in Gregorio X. Silvan. Raz. in vita S. Bonauent. Ioannes Naucler vol. 2. Chronograph. generat. 43. Dominicus Tèpesta Roman. lib. de vitis Summ. Pont. ubi de ipso Gregorio, et alij multi sufficereq; dictam publicam vocem, & famam quoad antiqua docent Baldus, & alij Doctor. citati in prefata relatione B. Andrea d. vers. primò, accedente maximè pro adminiculo instantia Reipub. Placētina, quæ an. 1326. pro obtinenda canonizatione ipsius Gregorij supplicauit Ioanni PP. 22., & hic commisit causam inquisitionis vitæ, & miraculorum eius Archiepiscopo Pisano, & Mutinensi Episcopo, ut dictus Ezou. tradit. cod. tom. 14. d. an. 1326. nu. 19. & ante eum scripsit famosus Doctor. qui eo tempore vivebat, Io. Andr. in c. ubi periculum, de elect. in 6. nu. 1. refertq; hoc idem Geminian. in eod. c. ubi periculum, nu. 3. in prin. nec non & antiquus Rom. Rota Auditor, Ioan. Francisc. Panuin. in relat. canonizat. Sancti Bonaventura par. 2. art.*

7. quæ relatio in prin. tom. 2. opuscul. eiusdem S. Bonauert. habetur. Tenor autem commissionis, & litterarū præfati Ioan. PP. 22. ex registro Vaticano extractus, in hæc verba fuit: *Ioannes Episcopus, seruus seruorum Dei Archiepiscopo Pisano, & Episcopo Mutinensi, ac dilect. fil. Benedicto de Senis Præposito ecclesiæ Colonienfis, Notario Nostro, salutem, & apostolicam benedictionem.*

*Fons sapientiæ, Verbum Dei in excelsis, fortiter, suauiterq; disponit; nam omnia in sapientia fecit, expleta est tantum creatura sua, quam & constanti fortitudine roborat, & dulci suauitate connectit; quatenus ex suauitate viri sancti congaudeant, & ex stabilitate minime contabescant: quinimodum vestati inuigilent, labori insudent, ac ministerium suum adimpleant, sicq; de virtute proficiant in virtutem, donec videatur ab eis Deus Deorum in Syon: quorum ne bonitas ipsis solū proficiat, vel offuscetur, aut lateat; eosdem seruos suos, quos ipse nouit; scit enim, quos elegit; nonnunquā ad varios, dum viuūt, dignitatum gradus assumit, quorum interdum & aliquos ad apicem Summi Apostolatus attollit, ut luceant omnibus, qui in domo sunt, & glorificent Deum Patrem, qui in Cælis est. Ac insuper, ut de ipsorum post mortem felicitate fides argumentis euidentiore generetur, & eos cornuscare facit miraculis, fama clarescere, ac celebri memoria diuulgari, ut inde Deus mirabilis in Sanctis suis appareat, ipsi honorificentur in terra, qui glorificati creduntur in patria, ac ad virtutum merita ceteri eorum exemplis salubribus excitentur; nec non sacrosancta mater Ecclesia pro eisdem suis æternæ beatitudinis filiis meritò iucundetur. Sanè dudum ex parte dilectorum filiorum Iacomini de Pontecarali pro Romana Ecclesia Rectoris, ac Prioris Antianorum, & ipsorum Antianorum, nec non Consilii, & Communis Ciuitatis Placentiæ coram Nobis, & Fratribus nostris propositum extitit, quod fel. record. Gregorius Papa X. prædecessor noster, dum viueret, nitore sanctitatis emicuit, conuersatione resplenduit, ac multis, magnisq; tam ante, quàm post suum obitum miraculis coruscavit. Quare pro par-*

7

te ipsorum fuit nobis humiliter supplicatum, ut de eiusdē Gregorii vita, & miraculis, inquisitione premissa, si reperiremus premissa veritate fulciri, cum adscriberemus Sanctorum Catalogo, ipsumq; faceremus per vniuersas Ecclesias honore congruo solemniter venerari. Verum, licet predicta coram Nobis, & eisdem Fratribus nostris exposita, si vera sunt, nostrū, & nostrorum Fratrum corda multiplici iucunditate repleuerint; attendentes tamen, quod Romana Ecclesia presertim in tanto Fidei negotio consueuit cum magna maturitate procedere, vbi videlicet de re tam ardua queritur, & de celestibus indagatur: nam si difficile estimamus, quę in terra sunt, & quę in prospectu sunt, inuenimus cum labore, quę in cælis sunt, quis inuestigabit? ut tutiori, & solidiori tramite procedamus, Discretionis vestrę, de qua plenam in Domino fiduciā obtinemus, per Apostolica scripta mandamus, quatenus vos, vel duo vestrum in loco, vel locis, vbi expedire videritis, de vita, conuersatione, ac miraculis Gregorii predicti, ceterisq; circumstantiis huiusmodi negotium contingentibus, iuxta formam, quam vobis sub Bulla nostra transmittimus introclusam, inquiratis diligentius veritatem. & quę super premissis inueneritis, fideliter in scriptis redacta sub testimonio sigillorum vestrorum per viros idoneos ad Sedem apostolicam destinetis: ut per inquisitionem vestram sufficienter instructi, sicut res exigit, & expediens visum fuerit, securius in ipso negotio procedere valeamus. Dat. Auinione vi. idus Maij anno nono. Hacenus Ioannis Papę 22. litterę. Quo verò ad recentiora, & nostrę etiam memorię tempora, testes sunt Bernard. Franc. Cipellarius Buxeran. qui in humanis degens an. 1521. lib. 3. panegy. Diui Antonini mart. de isto Gregorio Pontifice sic ait:

Gregorium tacuisse nefas, qui clauiget orbis  
 Integritate fuit sancta, mortalibus atque  
 Exutus vinclis, Diuum decoratus honore est;  
 Corpus & Areti colitur, mirisq; coruscat.

Ioannes Molanus lib. Natal. Sanctorum Belgij, vbi multa

*de illo sub die 10. Ianuarij & cum hac inscriptione: De Sancto Gregorio X. nec non Ioan. Bapt. Signius, qui lib. 1. c. 14. de ordine, ac stat. canon. asserit dictum Gregorium inter Beatos Belgij adnumerari; & vt alios auctores omittamus, F. Hieronym. Capugnanus, qui in suo Italiae itinerario, ubi de Placentia loquitur, Gregorium X. inquit Aretij sepultum miraculis fulgere; & de Aretio quoq; verba faciēs, ibidem in maiori Ecclesia ait inter alios Sanctos quiescere eūdem Gregorium miraculis clarum.*

Secundum argumentum est publicus cultus, nonnisi Sanctis debitus. Dies enim illius obitus tanquā festus in Aretina ciuitate celebratur cum luminaribus ad sepulcrum, & apparatu Ecclesiæ a 277. annis citrà, & cum thurificationibus, ac pulsu campanarum, & organi ( Missa tamen, & officio de die tunc infra octau. Epiphaniæ currente decantatis ) & cum expositione eius imaginis, ac oblatione, quam facit ad dictā Ecclesiam Magistratus illius vrbs in honorem ipsius Beati Gregorij, vt verbis statuti vtamur, conditi per commune, & consilium dictæ ciuitatis, quæ an. 1345. decreuit, quod omni anno expenderentur in festiuitate eiusdem Gregorij de redditu ipsius communis centū libræ in cæreis dictę festiuitati suę offerendis per D. Potestatem, & Consilium generale populi Cathedrali Ecclesiæ Aretij, & teneretur Potestas præconizari facere per Ciuitatem, quod in die festiuitatis prædictæ non aperirentur apothecæ, sed cum reuerentia celebraretur, & custodiretur festiuitas dicti Gregorij, essetq; dies ille feriatu; & quod insuper mitterentur duo Fratres de Minoribus, & duo de Predicatoribus ad sollicitandum canonizationem ipsius Gregorij, prout de his omnibus cōstat *ex statutis dicti anni lib. 2. sub rub. 39. & etiam ex alijs statutis postmodum reformatis; nempe stat. 3. sub tit. de ordinarijs oblationibus, & stat. 6. sub tit. de ferijs.* certissimumq; est etiam, haud multò post per Aretinam vrbem tam in Ecclesijs, quā extra eas, & in vijs, ac locis publicis eiusdem Gregorij imagines tum pictas,

etas, tum sculptas fuisse cum titulo, ac inscriptione Sancti .  
& cum diademate capiti more Sanctorum appositis; quæ  
quidem imagines vetustissimæ adhuc ibi conspiciuntur: pro-  
ut & in ciuitate Placentiæ extat in hunc diem vnica similis  
imago ipsius Gregorij X. cum diademate Sancti ab anti-  
quissimo tempore picta in muro exteriori secus stratâ pu-  
blicam sacræ Ædis Diuæ Fidei virg. & mart. dicatæ. Quæ  
nimirum anniuersaria solemnitas per Aretinos subinde à  
dicto anno 1345. citra vsq; in præsentem diem obseruata  
fuit, & obseruatur, vt notorium est, & refert etiam Mola-  
nus sup. citat. Clarumq; est, quod ex huiusmodi cultu pu-  
blico, & solenni sic vt supra eiusdem corpori singulis annis  
exhibito de consensu saltem tacito Summorum Pontificû,  
insurgit maximum sanctitatis dicti Gregorij argumētum.  
Cultus si quidem publicus Sancto dumtaxat debetur, c. 2.  
*de reliq. & ven. Sanct. & ubiq; Doctor. ac Bellarmin. c. 10. de  
Sanct. beat. lib. 1. & Romani Pōtifices, qui adeò vicini sunt*  
vrbi Aretinæ, non vtiq; illum permisissent, nisi prius exhi-  
bita fuissent Apostolicæ Sedi magna sanctitatis signa, vt pō-  
deratum fuit in relatione Sancti Hiacynti *fol. 33. vers. &  
quamuis.* & præsumitur in casu nostro, stante quod in Vati-  
cana Bibliotheca iamdiu asseruantur multa ex dicti Grego-  
rij miraculis. Sed nec istud toleratum fuisset per tot illius  
ciuitatis Episcopos, maxime illos, qui externi fuere: & solli-  
citi præsumuntur in huiusmodi rebus ad eorum officium  
spectantibus, ex *optimè trad. per DD. Auditores in facto B.  
Andreas, par. 5. §. 1. versic. secundò confirmatur.* neque per  
Apostolicos Visitatores, & signanter per Sanctum Anto-  
ninum Archiepiscopum Florētinum cuius tempore etiam  
celebrabatur dicta festiuitas; nam de hac luce migravit, vt  
supra diximus an. 1459. & non modò ipse, cum pluries de-  
uotionis gratia dictum locum visitauerit, huiusmodi con-  
cursum, & celebritatem non improbauit; sed imò conside-  
ratis considerandis, vt pōte doctissimus, & sanctissimus vir,  
de ipsius Gregorij sanctitate, & miraculis in hanc senten-  
tiam



iam disertis verbis deuenit, *hist. par. 3. tit. 20. c. 2. §. 4.* Fuit autē (dixit ille) vir optimus, & procul dubio sanctissimus, ingentis animi quidem cōtra Christiani nominis inimicos &c. & paulò *infra*: Sepultus est Aretij summa cum veneratione, multaq; circa illius corpus miracula postmodū subsequēta fidem eius sanctitatis indubiam præbuere.

Ex quibus omnibus supra deductis, ac alijs per *Bellarmin. traditis in eod. lib. 1. de sanct. beat. c. 8.* apparet huiusmodi cultum in honorem Gregorij nostri adeo antiquum, & continuatum, maximam habere vim, & talem, vt ille omninò manuteneri debeat per ea, quæ docet in similibus, & refert ita pluries Romæ resolutū fuisse corā diuersis summis Pōt. *Andreas Molfes. in comment. ad consuetud. Neap. tom. 2. cons. 45. nu. 75. & seqq. & cons. 46. nu. 12. & signanter hoc in canonizatione Sancti Didaci ex relatione Cardinalis Columne an. 1588. licet ipsius cultus spatium annorum centū & viginti trium ab eius obitu non excederet, plurimum prauauit ad illam obtinendam, vt habetur in historia eiusdem Sancti Didaci à Pegna conscripta lib. 2. cap. 7. & in vita B. Ambrosij Sedoni, Roma impressa an. 1611. lib. 3. cap. 15.*

Tertium sanctitatis generale argumentum est ipsius Gregorij beatificatio, quam factam fuisse incontīnēti, & sic de dicto an. 1276. per eius successorem Innocentium V. asserit Hippolit. Doneismund. *hist. Eccles. Mantua lib. 4. & confirmari hoc videtur ex quampluribus miraculis paulò post eiusdem Gregorij obitum secutis, ipso etiam Innocētio (qui mense quinto elapso defecit) adhuc viuentē relatis in publicam tabulam, prout videre est in transumpto ad eius tumulum appenso, & in codice quoq; M S. quem asseruari diximus in Bibliothe. Vatic. in quo utroque loco verba hæc habentur:*

In nomine Domini amen. An. D. 1276. indictione quarta. Domino Innocen. V. Papa residente, infrascripta sunt miracula, quæ Dominus Iesus Christus fecit meritis Beati Gregorij Papæ X. in personis infrascriptis, quæ se cum reueren-

uèrentia obtulerunt B. Gregorio supradicto, &c. Et refert ea Bzouius vnà cum nonnullis ex dictis miraculis *tom. 14. an. 1276. nu. 2.* addens miracula omnia ibi descripta ad numerum 32. in totum, esse autentica, & approbata. Confirmaturq; etiam ex memoria dicti Gregorij in Martirológico Romano apud eandem Ecclesiam Aretinam scripta, quam pariter recenset præd. Bzou. *ubi sup. nu. 3.* & nos infra c. ultimo ponemus, & ex eo quoque, quod apertè dicit Bartolomæus Pisan. qui vixit de anno 1335. scriptor librorum conformitat. Sancti Francisci, *lib. 1. fructu. 8.* ipsum Gregorium canonizatum fuisse in diœcesi Aretina; affirmantq; hoc idem Robert. Liciensis, Episc. Aquinas in *serm. de Sancto Bonauentura*, Rodolph. Tossianen. *lib. 1. hist. Seraph. relig. ubi de eod. Sancto Bonauentura, & Cronic. Fratr. Minor. par. 2. lib. 2. cap. 7.* quod omni in casu nonnisi de beatificatione intelligi debet, vt aduertit Molanus in *d. lib. Natal. Sanctorum Bel-gii*, & in eandem sententiam videtur loqui Volaterran. dum *lib. 22. ait:* Moritur Aretij in itinere, ibiq; sepultus, atq; vt vir Sanctus adoratus.

Quartum argumentum est laudabilis, & sancta conuersatio, quā dictus Gregorius à teneris vsq; annis tenuit, in ea vsq; ad obitum perseuerans, & ob quam eius pietatem, & virtutes eximias, moresq; honestos ( quæ omnia sanctum efficiunt hominem, 40. dist. non nos, cum seqq. & vt dixit Sancta Lucia ad tyrannum, castè, & piè viuentes templū sunt Spiritus Sancti) meritò carissimus fuit Innocentio 4. Sum. Pont. & Cardinalibus, *vt scribit Ciacon.* & valde gratus S. Ludouico Francorum Regi; necnō sanctis Doctoribus Bonauenturæ prædicto, & Thomæ de Aquino, *ex eod. Ciacon. & aliis:* ac optimo etiam viro Iacobo de Placentia Cardinali, & Episcopo Prænestino, de culus sanctitate Gregorius I X. in litteris encyclicis cōtra Federicum testatus est, ipsum à mundo, & à carne ex susceptione vsq; sacre Religionis (nam ante Cardinalarum Monachus erat Iacobus, & Abbas Cisterciensis) ita astrictum fuisse, vt in Diuini amoris



moris altitudinem euolaret, *Bzon. tom. 13. an. 1239. num. 6.*  
 & cuius tanti viri fama præclara excitus Gregorius noster  
 Decimus, qui tunc Tedaldus, vel Theobaldus nomine dicebatur;  
 protinus ad illius præsentiam se contulit, & ab eo in familiam suam ascitus, œconomi iure domui toti præfectus est *secundum Ciaconi, & aliorum relationem*; vt nil mirum, si æquè, ac ipsè, Tedaldus maxima sanctitate emicuit, *dicente Psal. 17. si cum sancto, sanctus eris, &c.* & in hac laudabili, sancteq; acta vita certum est eundem Tedaldum deinceps, & eo præsertim tempore, quo ad Papatum assumptus est, inuentum fuisse toto conatu perseuerantem, prout ex proximè dicendis in argumento sequenti patebit: & tantò magis post adeptum Pontificatum, cum vno ore scriptores, *Platina, Bergomensis, Ciaconus, Bzouius, Razzius, & alii* affirmant dictum Gregorium in omni vita ad extremum vsq; spiritum sanctissimè vixisse, & virum probatum fuisse. Concurratq; etiam in hoc status perfectissimus ipsius Pontificalis dignitatis Gregorij, per ea, quæ de statu dignitatis Episcopalis Cardin. Albanen. in Sancto Bonauentura ponderauit *Panuin. in præallegat. relat. eiusd. Sancti Bonauent. par. 1. ar. 1. ad fi.* & quæ ad excludendam necessitatem magni examinis in canonizatione adducit *Molfes in iam citato conf. 46. nu. 29. & seqq.* Vnde & Sanctus Antoninus Archiep. præter ea, quæ suprà de eodem Pontifice scripsit, narrat populum Florentinum in ipsius Gregorij reditu à Concilio (quod paulò ante eius obitum contigit) obuiam illi processisse tum ob reuerentiam, tum ob sanctitatis opinionem, cuius rei meminit etiam *Leonardus Aretinus histor. suarum lib. 3. fol. 49. vers. 4.* Et Blondus de Gregorij accessu ad urbem Aretinam loquens *dec. 2. lib. 8.* Cūq; Aretium (inquit) peruenisset Sanctus, & summa dignus veneratione Pontifex &c. Sanctum quoq; eum appellat *Ioan. Petr. Maffeus in vita Sancti Thomæ Aquinatis, & alii, de quibus proximè infra.*

Quintum verò argumentum est, huius serui Dei miraculosa  
 ad

ad summum Pontificatum electio, quam omnes ferè auctores vti admirabilem notant, & miraculosè, & à Spiritu sancto factam dicunt. *Molan. d. lib. Natal. Sanctorum Belgii, Bzou. in annalibus ad an. 1276. num. 1. Bosius hist. relig. S. Ioan. Hierosolim. lib. 10. Vbernerus Cartusian. in fasciculo temporum, & alii*, tanquàm de viro extrà Collegium posito, & in longinquis partibus existente, de cuius vita, vel morte veritas incerta erat. Cum enim Pontificium solum ab obitu Clementis 4. annos ferè tres vacasset, post varias Patrū diffensiones tandem in illum dicti Patres conuenerunt, qui tunc nec Cardinalis, nec Episcopus erat, sed tantum Archidiaconus Leodiensis, & absens in Syria pro Christi obsequio; idq; ob præclaras eius, & egregias virtutes, atque animi dotes, *Panuin. de Pontific. & Cardinal. & vti in sanctum virum, dicit paul. Aemil. de rebus Franc. lib. 7. Meyerus in Annalib. Flandric lib. 9. Iacobus de Sufato in Cronic. Magist. gen. ord. Præd. ad an. 1271. Marcus Guatius in Cron. Ferd. del Castiglio hist. S. Dominici p. 1. l. 3. c. 9. & alii*; atq; virum rectitudine animi, morumq; sanctitate orbi toti præclarè commendatum, scribit *Rosiniacus Cosagæus de re Sacerdot. seu Pontific. lib. 2. c. 30.* & à Sancto Bonauentura Cardinalibus propositum tradunt *Bartolom. Pisanus, Robertus Liciens. Molanus, Tempesta, Ciacon. Tossinianen. Razzius, & Cronic. Fratr. Minor. locis supra allegat.* Vnde & postea in litteris ipsis, quas sacri Patres ad eundem Gregorium vnà cum decreto electionis per Nuncios transmissere, de illius sanctitate publicum ob testimonium, quod adhuc in Vatic. Biblioth. videre est, ad æternam rei memoriam protulerunt: Vota nostra (dicebant) in venerabilem personam vestram vnanimiter, & concorditer dirigentes, vos per compromissi viâ elegimus in Rom. Summum Pontificem; consueto diuinæ laudis cantico Fidelium adstante multitudine decantato; ducti credulitate firmissima, quod, cum in vobis ab annis teneris laudabiles conuersationes, & vitæ refulserint ornamenta, & odor famæ vestræ gratissimus hinc inde per loca plurima

plurima sit diffusus; ille benedictus in sæcula, qui vos dignanter in suum assumpsit Vicarium, & in Christiani populi Patrem, ac Dominum gratiosum, de vestris sanctis dabit prouenire meritis, quod in statum prosperum, & iucundum resurgat Ecclesia generalis, &c. & *in calce*: Festinate vos vestros videre fratres, & filios, & consolari corda gemētium, quibus in visione vestri vultus Angelici quam primum dabitur vidisse delitias Paradisi, &c. Quæ omnia valde confirmant superius deducta, & in simili ponderata fuerūt per DD. relatores in causa B. Andreae prædicti, vt videre est ibi ad quintum argumentum generale. & *per Panuin. etiam in electione Sancti Bonauenturæ tum ad Generalatum, tum ad Cardinalitiam dignitatem prout in eius relat. par. 1. ar. 4.*

Sextum argumentum pro sanctitate istius Patris Gregorij est qualitas mortis eiusdem, quæ certè sanctissima fuit, tum ex tenore sanctissimæ vitæ, tum ex historicorum relatu; maxime Petri Mexiæ, qui *in Rudolphi Imper. vita* Gregorium ait in Ciuitate Aretij obiisse sanctissimè; & Ricardi Vasseburg *in antiquit. Belgicis* ipsum decessisse asserentis cum signo magno sanctitatis ob miracula ibidem facta; tum etiā ex ijs, quæ in eius vita MS. leguntur asseruata Placentiæ in archiuijs tam Cathedralis, quam Colleg. Eccles. Sancti Antonini, vbi dictus Gregorius fuerat antea Canonicus. sunt autem verba ibidem, quæ sequuntur: Dominus eius laboribus volens finem imponere, ipsum anno D. 1275. (*ab incarnatione scilicet*) quarto Idus Ianuarij ad cœlestem patriam euocauit, sicq; tanquàm mundi, carnis, diaboli triūphator magnificus, factus consors, ac socius Angelorum. Sed quidem fuit summopere admirandū eum videre tunc temporis, quando deliberari incæperat, & tempus suæ resolutionis instabat; quia tantum profuisse viuæ vocis oraculo non potuisset, quantum sanctæ operationis exemplo profecisse visus est: nam Dominicam Crucem desiderāter expetens, & reuerenter amplectēs, Saluatoris pedibus, quos crebra lachrimarum rigabat effusio; deuotissimè oscula im-

prime-

primebat, & angelico more suo Genetricem salutans spiritum suum Patri omnipotenti suppliciter commendabat, cui mox sic suauiter animam reddidit suam, ut soporis quietē potius percipere, quā ex hac vita migrasse videretur. *Hactenus auctor d. vite M. S. in Archivio S. Antonini existens.*

Septimum verò sanctitatis argumentum qualitas, & quātitas miraculorum post eius mortem præcipuè (nam & in vita de quodam miraculo Lugduni patrato clarum est) subsecutorum, *de quibus infra suo loco*; & quæ quotiescunque verè miracula sint, sanctitatem procul dubio concludunt ex deductis in tertio generali argumento relationis dicti B. Andreae.

Octauum autem & vltimum est qualitas, & status corporis ipsius Gregorij, quod post lapsum 346. annorum ab eius obitu adhuc integrum inspicitur, & suis Pontificijs vestibus ornatum in marmoreo eminenti sepulcro, quod in die festiuitatis eiusdem omnibus fidelibus patet. Et hoc quidem signo solet quandoque Deus honorare corpora multorum, qui in vita illi fideliter seruiuerunt, ut de diuersis Sanctis legitur, & adnotarunt memorati DD. relatores in vltimo generali argumento sanctitatis B. Andreae prædicti.

## DE VIRTUTIBVS PARTICVLARIBVS

*Gregorij Papæ Decimi.*

Circa virtutes particulares, quibus Gregorius, & ante Pontificatum, & in ipso Pontificatu mirabiliter effulsit: māfuetudo in primis, & humilitas se se offerunt, ob quarum amorem Episcopatus Placentini dignitatem, quam ei anno centius Quartus Pont. deferebat, constantissimè recusauit. *Ciacom. & alij.* Mox in summo Pontificatus honore, ad quem humilitas ipsa eum extulit, & ne Sancto Spiritui resisteret, ipsum acceptandum duxit; pauperibus Christi miræ humilitatis exemplo pedes quotidie abluebat, *ut legere est in eius præalleg. vita M. S.* Dein-

Deinde assiduitas orationis, quæ tanta fuit, ut in ipsa etiã corporis refectiõne animum à cœlesti contemplatione non auerteret, Deo ita intentus, ut astantibus aliquando dicere nesciret, quid in mensa comedisset; abstinentia quoq; magna in cibo, & potu vsus, nonnisi semel in die manducabat, & tunc parcissimè ad corporis tantum reficiendam imbecillitatem, adhibitoq; semper lectionis sacræ condimento.

Illius verò castitas, & pudicitia quanta fuerit, inde conijci potest, quod in primæuo vsque iuuentutis flore se morum normam, ac honestatis speculum cæteris adolescentibus præbuit, nobilissimam originem, quam ex parentibus suis Vicecomitibus Iacentinis traxerat, vitæ munditia, alijsq; virtutibus condecorans. Quod & confirmat vnico verbo Ptolomæus Lucensis, qui illum optimè nouerat, dum dicit eundem Gregorium miræ honestatis fuisse.

Nec caruit tantus vir sacrarum litterarum scientia, bonarumq; artium disciplina: nam & priusquam à Iacobo Card. Prænestino in œconomum assumeretur, in liberalibus artibus, ac iuris vtriusque scientia sufficienter instructus erat; & illo mortuo (*Ciacono teste, & eius vitæ M. S. auctore confirman- te*) Parisios se contulit, vbi Diuinis etiam studijs operam sedulò nauauit, & talis euasit, ut ea deinceps publicè summa cum laude è sacro suggesto docens profiteretur, sanctusq; Rex Ludouicus eruditione illius mirificè oblectaretur; quemadmodum, & ob eam Pontifici Innoc. IV. & Cardinalibus in Concilio Lugdunensi gratissimus fuerat, suisq; concionibus Christifideles ad sacrum bellum continuè animabat.

Fuit præterea rerum huius sæculi maximus contemptor; ante Pontificatum quidem, quo tempore oblatum sibi Iacetiæ Episcopatum respuit, & cuncta etiam, quæ sibi à multis Cardinalibus, qui illum post mortem Cardinalis sui Iacobi expetebant nedum in familiarem, sed in socium, magna proponebantur, (*secundum Ciaconum, & alios*) ut sacris stu-

dij,

dijs, ac Dei seruitio, & animarum salutis totus insisteret. In Pontificatu vero, quotquot de illo scripserunt antiqui, & recentiores historici, vno ore fatentur ipsum Gregorium pecunias, & lucra omninò contempsisse, & intentum elemosinis manus suas ab omni munere excussisse; quod texit quoque Io. Andr. in cap. xvi periculum, de elec. 1. in 6. nu. 1. & addit auctor eius vitæ M. S. quod, si datum ei fuisset diutius viuere, curiam suam sanctam, & immaculatam reddere disposuerat, vt de munerum perceptione illicita nullatenus notari posset; quia, qui aurum diligit, non iustificabitur. *Ecclesiastici*. 31. Et cum beatus ille sit, qui post aurum non abiit, nec sperauit in pecuniæ thesauris, de isto bono viro quid sentiendum sit, euidenter patet: fecit enim mirabilia in vita sua, vt Spiritus Sanctus *eodem loco* docet. Ex quo sane pecuniarum, ac rerum huiusmodi contemptu firmissima elicitur ipsius Gregorij spes, & confidentia in Deo ad consequenda cœlestia.

Mirabilis item fuit in omni tempore istius magni viri prudentia, & singularis in rebus gerendis dexteritas, *Platina, Bergomen. Ciacon. & alij.* qua ratione, & domus præfectura ei à Cardinale Iacobo collata, & per ipsum laudabiliter administrata; & complures populorum controuersiae non raro ab eodem sedate: ob idq; etiam in priori Lugdunensi Concilio sub Pontifice Innoc. 4. prudentissimus vir Philippi eius urbis Archiepiscopi consilia optimè rexit, gratissimūq; dicto Pontifici, & Cardinalibus ob eximias virtutes exiit. (de qua simili prudentia tam in sedandis discordijs, quàm in Concilij gestis, & alijs huiusmodi rebus disertè loquitur etiam *Faruin. in memorata relat. Sancti Lonauent. d. par. 1. ar. 4. ante med.*) Et deinceps à Clemente 4. in Angliam cū Ottobono Cardinale Flisco missus, ibidem perniciofa dissidia inter Regem, & procures sustulit, *referente post alios præallegato Ciacono.* Legationisq; munere in Syriam postmodum cohonestatus, *secundum M. Paulum Venet. de region. Orient. lib. 1. cap. 5. Diuum Antonin. par. 3. hist. tit. 20.*



*cap. 2. & Io. Baptist. Ramus. vol. 2. nauigat. tot præclara in illis partibus contra Saracenos gessit; & in Pontificem assumpsit longe maiora, quæ omnibus nota sunt, quatuor annis dumtaxat; & inter hæc præsertim plusquam septuaginta Cathedralibus Ecclesijs de eorum Pastoribus prouidendo, ut ex registr. Vaticanis liquet; Græcos ad unionem cum Latina Ecclesia reducendo; creatione una quinque Cardinalium, præstantissimorum doctrina, & sanctitate virorum (ex quibus præcipue Sanctus Bonauentura fuit, & alij duo post ipsum Petri Cathedram assecuti sunt) Ecclesiam totam illustrando; & in condenda pro Pontifice Rom. eligendo sanctissima Constitutione, prudenter prius Episcopos sine Cardinalibus, mox Cardinales per nationes vocando; & eis omnibus, antequam ipsis intentionem suam aperiret, sub excommunicationis pena præcipiendo, ne cuiquam ea, quæ tunc viderent, audirent, & facerent cum seipso, patefacere auderent. Bzou. au. 1274. nu. 7. & summa etiam dexterritate sua Alphonsum Castellæ Regem, ut cederet Imperio, suauiter adstringendo, aliaque huiusmodi peragendo, quæ in authoribus, & in registris eius leguntur.*

*Mirabilis & constantia fuit, fortitudoque eius, tam in excommunicando populos contumaces, ut Florentinos, Senenses, Papienses, & alios; quam in tuendo Ecclesiasticâ libertatem, ut præsertim cum Regibus Lusitanis honorum Ecclesiasticorum cupidis, & alijs Principibus fecit; nec non Boemiæ, Aragoniæ, Castellæ, Suetiæ, aliarumque partium Reges reprimendo, & Prælatos diuersos de eorum mala vita, & conuersatione pessima minacibus verbis redarguendo, ut ex Bzou. ann. 1273. & seqq.*

*Mirabilis insuper & patientia ipsius in perferendis, tum corporis morbis, quibus interdum laborabat, tum etiam alijs quibuscunque aduersis. Vnde optimus Pontifex, licet admodum senex, & graui percussus infirmitate Vrbeueteri ann. 1273. pro Dei tamen, & Ecclesiæ seruitio se itineri longissimo in Gallias exposuit libentissimè, vbi adhuc de mense Nouembris*

bris eiusdem anni morbo correptus ob ipsius itineris incommoda nec celebrare potuit, nec Missæ solennijs interesse in die dedicat. Basilicæ Apost. pro publicâdo processu de more contra vniuersitates, & singulares personas, quem nihilominus affigi fecit valuis Ecclesiæ Lugdunensis.

Cæterum in eo magis admirabilis charitas; quæ, sicuti vinculû perfectionis est, *ut ait Paul. ad Coloss. 3.* ita in Gregorio supra omnes virtutes enituit: cuius illa sunt argumenta, quando vel in minoribus pacis amator, & partialitatum alienus. totus pro Dei amore in componendis discordijs erat, & totus ardebat pro recuperanda Saracenorû manibus Terra sancta: quando etiam pro persecutoribus exemplo Christi orabat. In historijs enim Leodij habetur, quod quadam die conquerentibus in capitulo Leodiensis Ecclesiæ nobilibus de Prato de maximo, & enormi crimine in eos per Episcopum illum, scelestissimum virum, cõmisso, ipsumq; Gregorio, qui tunc erat Archidiaconus, ut ad bonam frugẽ rediret, charitatis gratia admonente; Episcopus pedẽ ad pectus Archidiaconi incussit: quo viso per illos de Prato, statim nefarium hominem aggressi, ipsum interemissent, nisi diûs Archidiaconus insurgens, & maiori flâma charitatis æstuâs, veluti alter Stephanus, pro inimico suo furorẽ illorû sedasset. Factus deinde Pontifex vix explicari potest, quã magna Gregorius arderet charitate in Deum, & proximum, ac singulari clementia erga eos, qui ad Sedis Apostolicę gremiũ confugebant. Omitto lachrimas ab eo largiter effusas in Concilio, & alibi pro extorquenda e manibus infidelium hereditate Sancta, & in exponendis Christianorum necessitatibus, qui Terram illam sanguine Christi aspersã incolebãt; & in videndo missionem Græcorum ad Conciliũ pro ineuenda vnione cum Latina Ecclesia, & in amarẽ flendo Saluatoris Passionem præsertim tempore, quo ipse Gregorius erat ex hac luce migraturus. *Platina. Ciatonus, & alij.* Maxima verò benignitate erga pauperes affectus, & multorû pedes, ut supra diximus, abluebat, & eorû inopiã elemosinis sub-



leuabat deputatis etiā ad id specialibus ministris. Vnde primus fuit Gregorius (*Ptolomeo teste*) qui non intendens pecuniarum lucris, sed pauperum eleemosinis, solennē ordinauit eleemosinam in Romana curia; ad quam faciendā instituit quendam Fratrem conuersum (*ait*) ordinis Predicatorum, cui nomen Frater Ioannes de Subgromineo, quē secum duxerat de vltra mare. Ostendunt quoq; summam eius pietatem, & charitatem tot ab ipso Gregorio in Lugdunensi Concilio ordinata; & erga defunctos mādaturū illud, quod in eodem Concilio post obitum Sancti Bonauēturæ Albanēsis Episcopi, & Cardinalis ab eo creati, omnibus Prælatis, & Præsbyteris per vniuersum orbem fecit, ut quilibet eorum Missam vnā pro anima ipsius Bonauēturæ, & aliam pro animabus illorum omnium, qui adueniendo, stando, seu redeundo ad Cōcilium mortui erant. *Bzou. an. 1274. tit. 7. ante si. nec non institutio Præbendæ cū onere Missarum pecuniā de suis redditibus ordinatæ in Basilica S. Antonini Placentiæ, ac multa legata Ecclesijs Leodiēsi, Placētine, & Aretinæ ab eo relicta. Quæ omnia eius miram charitatem præferunt, & in huiusmodi vitæ pijsimo tenore ipsum Dei famulum vsq; ad extremum spiritum perseuerasse confirmāt, ex auctoribus supra allegatis. cuius speciem probationis in antiquissima materia sufficere dixerūt DD. Auditores in memorata B. Andreæ relatione: & hinc satis constat virtutes omnes in hoc Dei viro emicuisse, & in gradu excellenti, & non sine causa à Sancto Antonino Archiepiscopo fuisse dictum, quod fuit Gregorius ille vir optimus, & procul dubio sanctissimus, d. cap. 2. §. 4.*

## DE EXCELLENTIA FIDEI GREGORII

*Papæ Decimi.*

**N**unc de ipsius excellentia in Fide dicendum. Et quidem, licet ex generali sanctitatis probatione, & ex multitudi-  
ne bonorum operum lucusq; narratorum, satis de hoc appareat;

pareat; *et etiam doceant DD. Auditores in prædicta relatione B. Andrea, par. 3. §. 2. vers. ceterum, quia excellentia f. dei:* alia tamen specialia magis concurrunt argumenta, quæ hic breuiter tangenda sunt, veluti profectio ipsius Gregorij in Syriam, & indefessi labores pro sacra expeditione stabilenda, ad quam populos, & Principes omnes concionibus suis dirigebar; litteræ per eum scriptæ ad magnum Imp. Cham, ut illum ad Christianam fidem suscipiendam attraheret, oleumq; ei transmissum de lampade, quæ iuxta Dominicum sepulcrum Ierosolymis ardebat, vnâ cū muneribus, & Nuncijs, *ut refert M. Paul. Venetus, qui vnus fuit ex dictis Nuncijs, ac Io. Tapt. Ramus. locis sup. citatis.* reductio Græcorū ad vnitatem Fidei, & Principum aliquot Tartarorum ad sacrum baptisma recipiendum: miraculum itē ab ipso Gregorio Lugduni, ut infra dicetur, in vita patratum. Commissio etiam per eum statim in principio Pōtificatus sui facta F. Gaufrido ord. Prædicatorum. olim Sancti Iudouici Regis Galliæ confessorio, ut in scriptis omnem viuendi rationē, ac virtutes præsertim secretiores, & insignes ipsius Regis redigeret, & sigillo suo signatas ad Apostolicam sedem pro illius canonizatione tractanda, quamprimum transmitteret. *Bzou. an. 1272. num. 1.* adeo quod meritò zelator Ii dei, & Diuini cultus à Sancto Antonino prædicto *in prin. eiusd. cap. 2. & à Nauclero in præallegat. generat. 43.* affellatus fuit hic Gregorius. Ad cuius præcipuam Fidei excellentiā optimè conueniunt quatuor illa, quæ *ex eod. Sancto Antonino in sum. par. 4. tit. 8. cap. 3. §. 7. DD. Auditores prædicti* ad probandam in B. Andrea excellentiā Fidei eruditissimè animaduertunt, nempe 1. quod quis alta de Deo sentiat. 2. quod transitoria pro præmio æterno contemnat. 3. quod in aduersis de Deo confidat. 4. quod à bono opere non desistat. istaq; omnia ex supradictis de Gregorio nostro clarè probata remanent; ita ut de illo iam vere dici possit, quod de Sancto Confessore alma parēs canit Ecclesia, videlicet:

Qui pius, prudens, humilis, pudicus,  
Sobrius, castus fuit, & quietus;  
Vita dum præfens vegetauit eius  
Corporis artus.

Supereft modo, vt videamus, an pariter illi conueniat, quod  
fequitur.

Ad sacrum cuius tumultum frequenter  
Membra languentum modo sanitati,  
Quolibet morbo fuerint grauata,  
Restituuntur.

*DE MIRACVLIS GREGORII PAPÆ DECIMI.*

**A**D miraculorum probationem in genere plurimum facit  
illud, quod omnes penè scriptores affirmât, & commu-  
nis est opinio, ac publica vox, & fama, ipsum Gregoriũ post  
mortẽ multa fecisse miracula; & hoc sufficere in antiquis-  
simis ponderatum fuit in relatione prædicta B. Andreę. Cõ-  
firmaturq; in nostro casu etiam ex tabellis, & signis votiuus  
ad sepulcrum d. Gregorij appensis, & ex charta diuersorũ  
miraculorum ab antiquissimo tempore citrà ibidem existẽ-  
te, quę sanè per Aretinos Præsules, qui præsumũtur in spec-  
tantibus ad eorum officium solliciti fuisse, ac Visitatores  
Apostolicos minime ibi remanere permessa fuissent, nisi ea  
essent vera, quod pariter obseruatum est in supradicta rela-  
tione B. Andreę. Et præter miracula, quæ ibi leguntur, alia  
fere innumera in eadem charta generatim enunciantur his  
verbis ad calcem positis: Præterea notum sit omnibus vidẽ-  
tibus, siue legentibus istam chartam, quod multa alia mira-  
cula per merita præfati Sanctissimi Patris Gregorij X. fecit  
Deus, quæ longũ est enarrare: & quia non potest hæc bre-  
uis charta multa eius miracula continere; ideo quicunque  
eius miracula ad plenum noscere desiderat, ad Sacristam i-  
stius Ecclesiæ vadat, qui ei plenos codices miraculorũ Bea-  
tissimi Papæ Gregorij prædicti libenter ostendet. Memi-  
nitq; de hoc etiam Molan. *in lib. Natal. Sanctorum Belgij.*

Et

Et licet non sit credendum omnia illa fuisse miracula, vt DD. relatores in facto B. Andreæ considerarunt; attamen inuerisimile est inter ea non extitisse aliqua, quæ vere fuerint miracula, accedente pro adminiculo sententiâ Diui Antonini Archiep. *de qua sup. in calce se cundi generalis argum. circa Sanctitatem istius Gregorij*: prout nec verisimile est, quod in ea re tot homines per tâtum temporis spatium decepti fuerint, aut quod permiserit Deus omnipotens, qui corda, & mentes fidelium custodit, illos errare. *et per di-ctos DD. ibi par. 3. §. 2. vers. Non tamen. & vers. Unde etiam. & par. 5. §. 1.* Vt autem in specie de particularibus miraculis dicamus; illud in primis non est omittendum, quod ipso Gregorio viuentē, & adhuc Lugduni existēte, precibus eius liberata est à morte mulier in flumen prolapsa, quæ aquis suffocabatur. *Vita eius MS.* Nec refert, quod miracula in vita non omninò concludant Sanctitatē; quia quando operationes non discrepant, magnum inferunt Sanctitatis argumentum, *vt dicit Anckaran. in cap. venerabilis, nu. 2. de testib.* & hoc in Gregorio valde confirmat excellētiā eius in Fide, vt supra diximus.

Quo verò ad miracula post mortem, dæmoniæ sex numerantur ipsius meritis liberatæ; nempe Lamädina vxor Gerardutij de Florentia annis iam 25. vexata, Himeldina olim Venturæ Brahimantis de castro de Comis; Isminberga rel. q. Ioannis de castro Bibienæ 10. an. & ultra à dæmone obsessa; Druda vxor Amici de rocha de Rezano, 12. an. & amplius; Viuella eius neptis, filia Baldutij eiusdem loci, an. 5. & Bonasia vxor Galgani de Castilione filiorum Alberti an. 30. & amplius vexatæ.

Cæci tres illuminati, Adagiltes mulier Theutonica, filia Henrici de ciuitate Ruthæ Inghenæ, quæ octo annis elapsis visum amiserat; Bona rel. quon. Donati Notarij de ciuitate Aretij, & Ioannes Petri de Carpignolo plebatus Sancti Petri de Massa, oculorum luce annum circiter vnum ambo carentes.

Contracti, & claudi duo; scilicet Benintēda' filius Benincasæ de Vogognano, & Neia Filia Baldutini ciuis Aretini; ambo p̄stina m̄ sanitatem Gregorij precibus consecuti.

Surdi tres; nempe Rubertus quon. Cambij de Florentia annis sexdecim, & ultra, & Ioannes olim Tucciardi de Raco an. circiter 21. surditate laborantes; & Margarita vxor Ioānis Sauix de castro plebis de Massa, quæ surda erat, & muta à natiuitate; auditum, & loquelam respectiue ob eiusdē Gregorij merita adepta.

Quatuordecim autē huiusmodi miracula sunt illa, quæ de mē-sibus Aprilis, & Maij 1275. & sic statim fere post eius obitū secuta, cum suis circūstantijs, ac testium adscripti one explicātur in charta veteri supradicta ad eius sepulcrum affixa, & de quibus dicit Molan. lib. Natal. Sanctorum Belgij, valdeq; probabile est ea fuisse ex illis, quæ per sanct. Antoninum Archiep. examinata fuere, & refert nonnulla ex eis Bzou. in *annal. ad an. 1276. nu. 1. & seq.* dicens ipsa miracula esse triginta duo, & omnia autentica, & approbata reperiri in codice M S. Biblioth. Vatic. descripta.

Quibus addi possunt 17. alia relata per auctore eius vitæ M S. (nam Aretini codices, de quibus supra meminimus, tot miraculis referti iamdiu diro illius Sacristiæ incendio absumpti fuerunt) affirmātem ipsius Gregorij precibus in specie quendam furcarum patibulo suspensum a morte liberatum fuisse; certos alios carcere detentos ruptis miraculosē cō-pedibus inde liberōs euasisse; hominē prouectæ ætatis, cuius ad inferiorem corporis regionem proprio loco dimisso intestina defluerant, sanitatem recepisse; puellam septennem imperu fluminis raptam, & submersam, ac mortuā vitæ restitutam fuisse; Rectorem cuiusdam Ecclesiæ morbo lepræ percussus, & artetica etiam guita grauite afflictiū, ab utraq; infirmitate sanatum; mulierem quæq; gilham, & alias duas paralyti laborantes, aliam nem apoplexia morbo, & aliam, cui cruris tibia, & calcaneus natæ carnis nexibus alligata erāt, aliamq; in mamilla graui, & cessante do-

lore detentam, miraculosè curatas; Infantulū veneno colubri in cuna tabescentem matri sanum, & incolumem redditum; hominem in capite ictu sagittæ periturum, & alium febri continua, spiritibusq; immundis vexatū, ad sanitatis statum perductos: nobilem etiam mulierē, quæ capitis, & manuum vehementem tremorem patiens nec cibum quidem à se recipere poterat; ad tumulum Gregorij vt accessit, membris suis firmatam: & hominem defectu vocis ita laborantem, vt quantumcunque exclamaret, à nemine verba eius perciperentur, sonora, ac expeditæ vocis munere donatū fuillē; nec non ad tumulum illius cæcis lumen, claudis gressum, mutis verbum, & surdis auditum miraculosè reddita. Nam & si auctor illius vitæ est nobis incognitus, per ea tamen, quæ refert de gestis, & moribus eiusdem Gregorij, cum nō differant à traditis per Ciaconum, & alios scriptores, & antiquissima sit eius relatio; fidem etiam in his, quæ ad miracula spectant, omnino mereri videtur, statibus præsertim alijs miraculis, de quibus supra diximus, & sententia prædicta Sæcti Antonini Archiepisc. quoad sanctitatem, & miracula istius Gregorij.

#### DE ACTIS CAUSÆ, ET PROCESSVS.

**C**Um autem certissimum sit de an. 1326. ad instantiā Placentinorum ciuium per Ioannem PP. 22. cōmissam fuisse causam inquisitionis vitæ, & miraculorum Gregorij Pape X. Archiepisc. Pisano, & Episcopo Mutinensi, *ut ex dictis in primo gener. argum. sanctitatis*; haud dubium esse potest, quin & Delegati nedum inceperint processum, & acta, sed etiam perfecerint, licet ea ad præsens forte nō referantur in Vaticano, nec Aretij. Colligitur hoc ex verbis Ioan. Andreæ (qui vixit de an. 1330.) *in alleg. cap. ubi periculum, de Elec. in sexto num. 1.* & ex statuto deinceps per Aretinos condito de an. 1345. super festiuitate fienda d. Gregorij, de quo pariter supra in 2. gen. argum. Quod quidem statutum supponit beatificationem ipsius Gregorij, quæ beatificatio  
seculi-

secuta non esset, nisi prius exhibitis actis, & processu prædicto Apostolicæ Sedi vnâ cum miraculis, quæ adhuc in codice MS. vt supra dictum est, Bibliothecæ Vatic. extât, & Aretini (qui forsan in præallegato Sacristiæ incedio Pontificiam Bullam amiserunt) in eo statuto Gregorium non appellassent Beati, & Beatissimi titulo, nec dictum festum modo quo ibi ordinassent, nec Præsules illius vrbis id passi fuisset, prout, nec Romanus Pontifex talia permisisset; nec minus decreuissent iisdem Aretini mittere quatuor Fratres Ord. Prædicatorum, & Minorum ad sollicitandum canonizationem. Supponitur etiam huiusmodi beatificatio per memoriam, quæ de ipso Gregorio in Martyrologium Romanum ab Episcopo, & Capitulo Aretinæ Ecclesiæ redacta est sub his verbis, *quæ referunt Molanus, & Ezouius supra allegati*: Apud Aretium ciuitatē Tusciæ, depositio corporis Beatissimi Gregorij Pape X. de nobili genere Vicecomitū de Placentia; qui cum esset Archidiaconus Leodiensis, existens in ciuitate Achon cum Christianis contra Saracenos, à Cardinalibus in ciuitate Viterbiensi miraculosè fuit electus in Papam, & cum summo honore Romæ est coronatus. Ecit autem Lugduni solenne Concilium, vbi inter alia cum Imperatore, & multis Regibus, & Baronibus pro recuperanda Terra Sancta passagium ordinauit, & personaliter illuc iter arripiens, & præcedens an. D. 1276. in ciuitate Aretij migravit ad Dominum, sepultusq; est in Ecclesia Cathedrali.

Haftenus Martyrolog. Rom. dictæ Aretinæ Ecclesiæ, & de ipsa beatificatione testantur etiā expresse authores citati sup. in 3. gener. argum.

Hæc sunt, Pater Sancte, quæ de virtutibus Gregorij X. predecessoris vestri à nobis inuenta fuere. Placeat S. V. nobis Placentinis, quod humillimè petimus, ex speciali gratia cōcedere; nempe beatificationem ipsius, ac licet iam celebrandi de illo singulis annis, vt de Beato nondum in Sanctorū numero relato, per ciuitatem, & diocesim nostram in die eius obitus, scilicet decima Ianuarij, & Ieiunium, & Officium



cium cum Missa, vel de proprio, vel de communi confess. Pontif. Quod si de Sancto Leone PP. 3. legitur, canonizatum fuisse ab eo Sāctum Suuibertū cum solo libro eius vitæ per Marcellū p̄sbyt. scripto, vt ait Sāctus Ludgerus in *epist. ad Rerfridum Episc. Traiecten. c. 9. relata per Suriū to. 2. in Suuiberto, die 1. Martij, & per Baron. in annal. Eccles. tom. 9. ad an. 804. nu. 3. & seq.* Et si etiam de Sancto Sola Abbate Anglo à Gregorio 4. p̄cibus tantū Altini Astēsis Episcopi (vt refert *Andr. Molfes. d. cōf. 46. n. 21. & seq.*) an. 828. prout & de Sancto Vldérico Episcopo à Ioanne XIII. ex lectura dūtaxat cuiusdā libelli. de eius vita, & miraculis cōpositi, an. 993. secundū Baron. vbi supra. & de Sancto Petro Anagnin Episcopo à Paschali 2. ex adnotatis solūmodo per Brunonē Signi Episcopū an. 1105. & de S. Vbaldo Eugubino P̄sule ex testimonio quorundā Episcoporū, & aliorū an. 1192. Sāctorū Catalogo ascriptis patet; & de similibus canonizationibus ex solis libris quādoq; factis habetur etiā mētio in relatione processus Sāctæ Frāciscae per deducta à DD. Auditoribus in illa *B. Andreæ p. 3. §. 3. in fi.* quantò magis ex tot vt supra deductis, & ex clarissimo præsertim Sācti Antonini Archiepisc. Flor. testimonio poterit *B. V.* optatā beatificationis gratiam nobis nunc impertiri ad maiorem Dei gloriam, & Sāctæ Sedis honorem; hanc rursū deuotissimè exposcimus, & hanc à benignitate vestra consequi speramus ob meritā, & intercessionem ipsius famuli Dei Gregorij Papæ Decimi.


Vt quoque noster chorus in honorem

Ipsius, hymnum canat & libenter,

Vt pijs eius meritis iuuemur

Omne per æuum.





# DE BEATIFICATIONE GREGORII PAPÆ X.

conuenienter expetita sub Pontificatu  
Beatissimi.

GREGORII XV.

SIGNVM GREGORII PP. X.  
electi an. 1271.

SIGNVM GREGORII PP. XV.  
electi an. 1621.



**G**REGORIO olim Papæ X. pacis inter Christianos  
cupidissimo, & ad Catholicos Principes, dum in mi-  
nistris esset, eiusdem pacis Pontificio Internuncio, sacri Cō-  
clavis institutori, Religiosorum Ordinum moderatori, Or-  
thodoxæ Fidei amplificatori, ac verè pijsimo Pontifici; cō-  
sentaneum esse videtur, (quod non sine præcipuo Dei Opt.  
Max. consilio accidisse putandum est) ut à veritate sancti-  
bus ijs, quæ supra adducta sunt, ab alio eiusdem & pietatis,  
& no-

29  
& nominis insigni Pontifice, Gregorio XV. eodem, quo il-  
lo, Papali signo in diplomatibus Pontificijs vteute; pacis  
item ad potentissimos Principes iam Apostolico Legato, e-  
iusdem nuper Conclauis reformatore, ac sacrarum Reli-  
gionum conseruationi, simul & Fidei prædictæ propaga-  
tioni valde intento, optimiq; Prædecessoris vestigia omni-  
no persequente; optatissimi Beatificationis honores post  
tot secula decernantur: & ab eodem, quasi emulante pijs-  
simum conciujs sui, Gregorij XIII. factum, qui Beatum  
Gregorium Papam VII. nouo Martyrologio Romano a-  
scripsit; etiam Gregorius hic X. æque, atque ille, ecclesia-  
sticæ libertatis propugnator, ac defensor acerrimus, vniuer-  
so populo Christiano colendus proponatur.



30  
DE EADEM BEATIFICATIONE  
ETIAM A S. D. N. VRBANO VIII.

GREGORII XV. successore, vt cum  
maximè speranda.

**D**VM autem Gregorius XV. qui hanc rem totam sacrę  
Rituum Congregationi cognoscendam demādaueat,  
illius sententiam vehementer expectaret: factum est admi-  
rabili etiam Diuino nutu; vt, Gregorio ipso ad mortalis vi-  
tę exitum vocato, Vrbanus VIII. ad Summi Apostolatus  
apicem extolleretur. Is scilicet Pontifex, qui non modo  
patria Florentinus, sed qui etiam aliquando Archiepisco-  
patus Nazareni dignitate esset cohonestatus. Quę duę res  
certissimam tantopere expetite Beatificationis ab ipso tan-  
dem Urbano impetrandę spem afferunt. Gregorius enim  
X. quamquam natione Placentinus Aetruscus tamen ex  
perpetuę sepulturę domicilio, miraculorum gloriā, & an-  
niuersaria natalis sui celebritate in Ætruria secutis: & ab  
duobus Sanctissimis Patribus Etruscis; nimirum, dum vi-  
ueret, à Diuo Bonauentura; & post obitum, à Diuo Anto-  
nino Florentię Archiepiscopo, pro Sancto habitus; & qui  
in Syria non tantum pro Nazarena Ciuitate, sed etiam pro  
toto Terrę Sanctę imperio Christi fidelibus recuperando  
multos labores pertulit: dignus existimatur, qui ab Ætru-  
sco Pontifice, olim Nazareno Pręsule, ad maiorē Dei glo-  
riam, Sedisq; Apostolicę, ac totius Ætrurię, nec non &  
Placentię vrbis decus, & ornamentum; rogantibus prę-  
sertim Serenissimis Ætrurię, ac Placentię Ducibus; Beati  
nomine, officioq;, ac sacrificio, primo quoque tempore  
decoretur. Ab Ætrusco autem Pontifice, qui & Vrbanus  
dictus alium imitetur Vrbanum huius nominis Secūdum,  
qui & in Placentinos Ciues insignia beneficia contulit, &  
Ætruscis maximum splendorem adaugens alterum Grego-  
rium

rium, tùm Pontificem, tùm patria Ætruscum Gregorium  
 nempè Septimum, supra memoratum, primo Beati cultu,  
 & honore publico affecit: atque hinc duo hi Gregorij,  
 Septimus, ac Decimus, Ætrusci ambo, & ambo totius Ca-  
 tholicę Ecclesię Pastores, à duobus Vrbanis inter Beatos  
 relati; non minùs in omnium admiratione, quàm veneratione  
 habeantur; & quod de Gregorio X. cōueniēter sub  
 Gregorio XV. expetitum fuit, conueniētiùs à Beatissimo  
 Urbano V III. expeditum dicatur.

## IN EAMDEM GREGORII X.

Beatificationem seu sanctificationem  
 Anagramma.

**G**regorius Decimus, patria Placentinus, vt olim  
 summus, ita verè optimus Pontifex, ex nobili  
 Vicecomitum domo Theobaldus antea vocatus;  
 apud Aretinos in Ætruria honorificè conditus,  
 non minùs vita Sanctus, quàm miraculis præclare  
 fulgens, toto iam orbe pro Sancto prædicatur.

Hic Dei magnus, pijs-simusquē seruus; magno, ac pio  
 Patre Urbano Octauo Florentino in Petri Sede  
 exaltato, tunc luce clarius, & maxima cum gloria,  
 coelesti nutu Sanctissimus apparebit, & meritò  
 etiam in Vrbe tùm diuino Sanctorum cultu ado-  
 randus, tùm proprio officio honorandus.

INSIGNIA GENTILITIA  
eiusdem  
GREGORII PAPÆ X.  
in Ecclesia Sanctæ Fidei Flacen-  
tiæ, & apud Ciaconum in  
libris de vitis Sum. Pont.  
vbi de ipso Gregorio.







MC



